



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

LII. Gebhard und Friedrich von Dannenberg, Gebrüder, verkaufen dem
Kloster Diesdorf Wendische Höfe im Dorfe Winkelstedt, am 6. August
1319.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

compromittentes, Si quod abit infra prelibatum tempus proprietatem in litteris dicto Monasterio non procurauerimus, expletis duobus annis, omnes simul et quilibet singulariter requisitus, nullus alium expectando vel per alium seu alios excusando, Ciuitatem Soltwedel intrabimus, nunquam exituri, donec dicto claustro de premillis in toto fuerit satisfactum. Si vero ex nostris fideiussoribus interea quispiam de medio sublatus fuerit, loco sui alium eque fide dignum infra mensem a die obitus sui numerandum dabimus. Quem predicti scilicet prepositus dominus B., dominus B., dominus W. de Sculenborch duxerint acceptandum, aliter mense expleto cum nostris fideiussoribus ciuitatem soltwedel predictam intrabimus, ibi mansuri, donec factum fuerit, sicut est premissum. Testes huius venditionis ac emptionis et pecunie perfolutionis ac nostre compromissionis per sollempnes stipulationes, obligationes in solidum ad omnia et singula facienda sunt honorabiles viri Dominus Rod. prepositus in soltwedel, Dominus Siffridus de Sculenborch, prepositus domus sancti spiritus extra Myros ibidem, Dominus Hugo prepositus in Snegha, prelati et clerici, Necnon Dominus Hynnighus Cruceman, miles, ambo Siffridi de walfstowe, ac Gebehardus de dannenberchge, famuli, et alii quam plures fide digni. In cuius rei euidenciam presens scriptum nostris sigillis ac fideiussorum procurauimus consignari. Actum et Datum soltwedel, anno Domini M^o. CCC. Decimo octauo, In festo Natiuitatis sancte Marie virginis Glorioso.

LI. Verschreibung des Klosters Diesdorf für die jedesmalige Vorsteherin des Caritäten-Amtes über einen Bissel Kornrente, vom 1. August 1319.

Nos borchardus, dei gracia prepositus, Mechtildis priorissa totusque conuentus sanetimonialium in distorpe Ad omnium noticiam, quibus presens scriptum exhibitum fuerit, cupimus esse notum, Quod unanimi consensu et bona voluntate assignamus vnum chorom filiginis ad manus domine illius, quecumque preest officio nostre caritatis. Quem prefatum chorom filiginis sibi presentabimus de nostro granario quolibet anno in festo beati martini recipiendum omni occasione postposita, Pro illis septem quartalibus filiginis que actenus in ordorpe perceperat et possedit. Et ut presens factum ac commutatio a nullo prepositorum nostrorum infringi possit, Hanc literam nostris sigillis fecimus communiri. Datum anno dominice incarnationis, M^o. CCC^o. XIX., in die beati petri ad vincula.

LII. Gebhard und Friedrich von Dannenberg, Gebrüder, verkaufen dem Kloster Diesdorf Wendische Höfe im Dorfe Winkelftedt, am 6. August 1319.

Quoniam ea, que in tempore geruntur et ordinantur, simul cum tempore labantur et deperant, nisi testibus ydoneis ac litteris debitis firmiter solidantur, Nos ergo Geuehardus et frede-

ricus, fratres, de dannenberghe dicti, Cupimus ad vniuersorum noticiam presentia intuentium lucidius peruenire, quod nos de maturo nostro consilio seu heredum nostrorum consensu et arbitrio honorabili viro domino borchardo in distorpe preposito ad manus et vsus sanctimonialium claustrum eiusdem in villa winkelftede duos flauos nostros subditos, scilicet bernardum et richardum in duabus Curis ibidem residentes, duos mansos colentes, de quibus ambo VI marcas denariorum vsualis monete, duos porcos valentes XVI solidi eiusdem monete, VIII pullos, VIII caseos, XL oua et XL ristas vlasses, quod in wlgō sic dicitur, predicto claustro singulis annis ministrabunt, pro LXXII marcis saltw. denariorum, Cum vniuersis ceteris prefatis mansis adiacentibus, videlicet aquis, pratis, pascuis et nemoribus, cum aduocacia et cum omni iure, quemadmodum hactenus possidebamus, iusto vendicionis titulo rationabiliter vendidimus absque omni inpeticione quiete et pacifice in perpetuum possidenda. Pro ampliori huius rei certitudine et cautela dilecti nostri fratres thidericus et hinricus de dannenberghe, famuli, nobiscum data fide in solidum promiserunt hec omnia rite obseruanda. Huius rei testes sunt bernardus et wernerus, fratres, dicti de sculenborch, milites, bodo de walfstoue in castro saltwedel Castellanus, hunerus de knesbeke, famuli, et alii quam plures fide digni. Ne autem nostra vendicio in posterum alicuius malignantis rancore infringi poterit uel uiolari, presentem paginam super eo conscriptam per appensionem nostrorum sigillorum siue nostrorum compromissorum et Testium duximus validius roborandam. Datum Saltwedel, anno domini M^o. CCC^o. XIX^o., in die beatorum Sixti felicissimi et agapiti martirum.

LIII. Walthar, Edler von Dorstadt, und sein Sohn Burchard vereignen dem Kloster Diesdorf das Eigenthum zweier Höfe zu Winkelftedt, am 16. August 1319.

Nouerint vniuersi presencium inspectores, quod nos waltharus de Dorstat, nobilis, et borchardus, noster filius, consensu nostrorum heredum quorum interest vnanimi accedente, donauimus et presentibus libere donamus, honorabili viro domino borchardo preposito, mechtildi priorisse totique conuentui monasterii sanctimonialium ordinis sancti augustini in Distorpe, ob remedium et salutem animarum nostrarum nostrorumque parentum, proprietatem duarum curiarum in villa winkelftede sitarum cum duobus flauis in eisdem residentibus, quas quidem curias Gheuehardus et fredericus filii bone memorie henrici militis de dannenberghe a nobis in pheodo tenuerunt. In huius rei euidenciam et perpetuam memoriam dedimus presens scriptum nostris sigillis firmiter communitum Anno domini M^o. CCC^o. XIX^o., In crastino assumptionis beate marie virginis.